



# Hmasawanna Thar

( A N I N D E P E N D E N T D A I L Y N E W S P A P E R )

Regd. No. RNI - 40917/89 | Postal Regd. No. MNP - 67



**Contact Numbers pawimaw :**  
 DC/CCPur : 03874-234234  
 SP/CCPur : 03874-236747  
 Police Station : 03874-202248  
 SP Control Room: 03874-233239  
 Dist. Hospital Casualty : 03874-233370  
 Fire Brigade : 8974 147 799/  
 8258 057 887 / 8974 103 600

Hmasawanna Thar Vol - 32/204

Churachandpur

email : hmasawnnatharnews@yahoo.com

Phone: +91-3874-236846

Rs 6/- per copy

## Server thar a hunglung tah

CCPUR: Treasury Office, Churachandpur-a hmang lai Computer Server a siet leia haptakar khat lai zet Treasury Office, CCPur hnuoia thawktu han pay bills le bills dang dang pasi thei lo le sin thaw thei lova an um hnungin zanikhan Computer Server thar a hunglung tah.

Pay Bills le Bills dang dang an pasi thei ta ding

## Lawmthu hrilnain Memento an pek



CCPUR: May 6, 2017 a MHJU Press Club, Churachandpur a CM Reception-cum-One Day Seminar on "Communal Harmony: Bridging the Gap" hlawtling taka an hmangzo theina chungah DC, CCPur, SP, CCPur le DLOs, CCPur hai kuomah

bakah an sin khawm ni dang ang bawkin an sunzawm thei nawk ta ding a nih. Amiruokchu, vawisun Second Saturday a ni leiin sawrkar office-hai an chawl ding leiin sawrkar thawktu le pensioner hai chun kar tha tieng an April, 2017 thla hlawn lak thei chau ding niin ei thu dawngna chun a hril.

MHJU chu a lawm hle. Hi Programme hlawtling theina dinga theitawp sua hma an lakpuina le inzawma lawmthu hrilnain zanikhan MHJU thuoitu han R. Sudhan, IAS, DC, CCPur le Rakesh Balwal, IPS, SP, CCPur hai kuomah Memento an va pek.

## EVM thua Political Party hai fiena hun pek ning an tih: EC Ringna tlawmhai chun ATM a pawisa khawm an tiem tha tho: BEL

NEW DELHI: Electronic Voting Machine (EVM) chungthuah Opposition party tum tum han sawiselnasa tak an siem le inzawmin zanikhan Election commission chun all party meeting a ko.

Buoina intanna chu lungril suol a inthawk a nih ti a sukchieng a. Political party tam takin vote thlakna Electronic Voting Machine (EVM) sukchiengpen thei a nih leiin ringzo a um nawh tia an sawiselnasa thu le inzawmin Election Commission chun political party hai po po EVM sukchiengpen thei a nina fiena hun ding 'challenge' a siemppek ding a nih tiin zanita all political party meeting hunah Chief Election Commission Mr Nasim Zaidi chun a hril.

"Ei hmaah 'challenge' a la um ding a nih. EVM ah vote thlak dan ang tak indiktak Voter Verifiable Paper Audit Trail System (VVPAT)-in an dikzie a suklang ta ding zing laiin, in a ringhla rawp leiin, Commission chun inbeina a la huoihawt ding a nih" tiin a hril a, a hun ding ruok chu a hril nawh.



Mr Zaidi chun, Election Commission chun tu party khawm ditsak bik le t an bik a nei nawa, election indik le langlang taka nei a ni thei dan ding a ngaituo a nih. Political party 56 (national party pasari le regional party 49) han ramri in siem lailung taka ngir tlat hi kan moral le constitutional duty a nih" tiin a hril.

Hi thu hi tulai hnaia AAP hotu le Delhi CM Mr Arvind Kejriwal-in Election Commissioner pahni AK Joti le OP Rawat hai chu Gujarat le MP-a BJP sawrkar hai le inhnai le inpaw taluo, BJP an ditsak

bik tia a hril leia a hril a ni a. Party thenkhat chun MP assembly election-a hmang EVM hai in-check tir phal dingin EC an ngun baw.

AAP MLA Saurabh Bhardwaj in EC-EVM hai hi sukchiengpen thei an nih tia entirna a suklangna thuah, AAP MLA-in a hmang EVM kha 'prototype' (a tak nih lo) a nih tiin a hrilife baw.

hadratna san chu EVM hai sukchiengpen an ni lei a nih tiin AAP, BSP le Congress chun an intum. Akali Dal hotu Manjinder Singh Sirsa ruok chun, "EVM hai hi sukchiengpen thei an ninaw zie chu case 37 laia 30-in an tarlang a, EVM an ringzo a nih" tiin a hril.

EVM siemtu Bharat Electronic Limited chun official pakhat chun, an EVM siemhai ringzo a um thu hrilin, mi ringhlanai siphai chu ieng anga tha machine (khawl) khawmin convinced chungaw naw nih, ringhla pei tho an tih. Tamtak chun ATM-in pawisa

a hung pek suok (an lak) chen khawm khawl an ringzo naw leiin an la tiem tha tho tiin a hril.

Congress party-a Vivek Tankha chun, voter haiin an vote thlak indik takin a fe ti an hrieta an ring ngam theina dingin election chu thienghlim tak le indik le felfai taka nei a tha a. Voter han an vote thlak an hmu thei dinga VVPAT suklang hun sung hi sawt met sien thil tha a ni ding thu a hril ve.

EC chun EVM po po September 2018 chenah VVPAT leh link vawng a ni ding thu le 2019 General Election a inthawk chu VVPAT hmang vawng a ni ta ding niin a hril. Hi thua hin AIADMK Panneerselvam camp le DMK hai chun EC an ringzo thu a hril.

Trinamool Congress ruok chun Paper Ballot System bawkw hmang nawk an rawt. DMDK chun, EVM thubuoitu thuah impartial judicial inquiry thawtu ding retired Supreme Court judge hmanga siem nisienla, a findings dungzuin EC-in tul le tha a ti ang anging siemtha rawse. EC kan ringzoa chu ringhlanai a um

ta chun insemthatna ding a nih" tiin a hril ve.

National Conference hotu D. Singh Rana chun VVPAT slip khawm a hrana tiem dinga siethat a rawt a. Party tamtakin EVM an ringhla tah chun enthat a tul a nih. BJP chau a nih tulai inthlang dan le EVM tha tia pawmtu chu" tiin a hril.

CEC Dr Zaidi chun, "Tu taka EC in a hmang EVM chu technical safeguard t ha thei patawpa siem ni leiin sukchiengpen mei thei an naw a. Result indiklo siem thei an nawh. Hi neka election tium le siemthat ngai chu corruption le electioneering le inzawma inthannahai hi an nih, tiin a hril.

"EVM a that lem thei dan ding ngaidan le thiema neiha chu iengtklai khawm lawmlut zing an nih. Sawiselnahai po po ngaitlhaka vawng an ni a, a nei ang anging siemthat pei ning an tih" tiin a hril. Politics-a chu a hratanaw nawin a hrathai an ringhla peina ram a nih leiin EC khawm hin a chingfel zo dim ti chu political observer thenkhat ngaidan a nih.

## HYA President in NFSA bufai a vailiem

CCPUR: Parbung Sub-Division huomsunga National Food Security Act (NFSA) bufai March, 2017 quota chu zanikhan Civil Supply Godown, CCPur a inthawk Rationing Agent hai kuoma peksuok a nih.

Bufai peksuok hma hin Pu Laldawnlien Varte, General President, HYA GHQ le Pu H. Samson,



Executive Member, HYA GHQ han quality inspection an thaw a, District Supply Officer Pu Michael Ginzasuan le tlangram bufai thakna hmuna chena enfeltu ding Supply inspectors mi 6 le Rationing Agent hai hmuin Pu Laldawnlien Varte chun HYA Flag

hmangin bufai phurtu motor hai hi a vailiem. Hmarbiel bufai ding hi a hun tak le kim taka phur a ni ngainaw thu bieltu MLA Dr Chaltonlien Amo in a hriet leiin paw a ti a, hi leia hienganga hmalak le enfel a ni hnunga vailiem a nih tiin ei thu dawngna

chun a hril.

Bieltu MLA Dr Amo chun sawrkar thuneituhai le HYA hmalakna chu lawmum tiin, hmatiang peia khawm Tipaimukh Constituency chun ding thung taka a fe theina ding hma lak zampei a nuom thu a hril.

Bufai hi a tlungna ding hmuna a tlung ngei ti fiena Supply inspector han khawtina HYA Branch hotuhai hrietaHYA signature hung lang an ta, thil indiklo a um hrieta a ni chun Agent hai chungah an rang thei anga action lak a ni ding thu HYA Gen. President chun bufai phurtu motor hai a vailiem hunah hin a hril.

## Social Welfare minister in ICM Hostel building thar a hawng



IMPHAL: Minister for Social Welfare and Cooperation Ms Nemcha Kipgen chun zanikhan Lamphepat hmuna Institute of Cooperative Management (ICM), Imphal Hostel building thar

a hawng. Hi hunah hin Rajya Sabha MP le National Cooperative Union of India (NCUI) le Chairman, National Cooperative Training (NCCT) Dr Chandra Pal Singh Yadav functional

president, Secretary, NCCT Mohan Kumar Mishra, Registrar, Cooperation, L. Nabakishore Singh le Joint Registrar, Cooperation, Michel Bepol Lamkang hai guests of honours in an thang.

Nemcha Kipgen in thu a hrilnaa chun, Manipur a Cooperative centre chu India

hmarsak biela Cooperative Institution tha taka siem a ni theina dinga theitawp a suo ding thu a hril.

Hostel hawng thara um hi khum 32 um theina Rooms 16 um a nih. ICM hawngna hunah hin Handloom, Handicrafts le food item chi hran hran zawrna thangan stalls 25 hawng a nih.

## Free Screening camp nei

CCPUR: Don Bosco Hr. Sec. School-ah zani 9:30AM khan Catholic Medical Centre (CMC) Hospital Koirengi, Imphal East huoihawtnain Free Screening Camp for Detection of Congenital Heart Disease nei a nih. Hi hunah hin Lisie Heart Institution, Cochin, Kerala a inthawk Specialist Doctor pahni Dr. Edwind le Dr. Ebin hai bakah CMC, Imphal a inthawk Dr. Roman le CMC Hospital-a Nurse 5 han nau-pang kum 15 le a hnuoihting hai screening an thaw.

## Camp Muvanlai ah Consultative meeting

CCPUR: Zomi Re-Unification Organization (ZRO) Headquarter chun May 13, 2017, 11AM a inthawk hin Camp Muvanlai-ah Consultative meeting nei a tum. Hi hunah hin Tribe leaders le hnam sunga Organisation t huoihtuhai, Church leaders le intellectual leaders fiela um hai kim taka thang dingin Ministry of Information & Public Relations, ZRO Headquarter chun an hriettir. A fe ding hai 9:00 in EBCC Hebron tuola fekhawm ding ti a nih.

## M/s R&L Enterprises chungah lawmthu



CCPUR: Rengkai Road, CCPur-a JJ Plaza building thangsana um M/s R&L Enterprises (House of Printing) chun phutna um der lovin ka thaw thei ve dawktu tiin Hmasawanna Thar Hmar Daily News thawktu hai ta ding T-Shirt mawi le quality tha takel a hung sponsored leiin Editor and Staff hai chun M/s R&L Enterprises neitu Pu Lalntan-vel le a thawpui hai chungah

lawmthu an hril. Pathien malsawmna dawnga mihai ta dinga malsawmna ni pei dingin ditsakna an hlan. R&L Enterprises hin T-Shirt bel bakah Glass memento, Tile, No, phone cover le thil dang dang hai khawm nal le mawi takin an print thei a nih. Sinah an uluk leiin mi tam takin an pan huoi huoi zing a nih. Hiengang print ding nei hai chun pan ve ngei chi a nih.

## Henglep MLA TT Haokip lawmpuina

CCPUR: Henglep Block sunga Dy. Inspector of School, Henglep le ADCC, Henglep Block hnuoia teachers han zani 11AM khan Thangzalam Haokip @ TT Haokip, Chairman, Hill areas Committee, Manipur lawmpuina hun an hmangpui a, lawmpuinain DI of School, Henglep le DI of School, ADC Henglep a inthawk staff han puon insiltirna an nei.

TT Haokip chun, PM Narendra Modi in state tina MLA tin hai ni 100 sin thaw ding report pe dinga inhriettirna a siem le wawisuna inhmukhawmna hin pawimawna lientak a nei ding thu hrilin Henglep biela School Headmasters le teacher um hai a dawt dawta inggirtirin, school regular taka an kai le kainaw, student an neizat, school umna hmuna an um le umnaw, school wavi



iengzat am an sir ta ti hai an dawn tawl.

Khel hril lo dinga a hril angin teacher thenkhat

chun an thawkna hmuna wawihni vel chau an la fe thuin an dawn tawl a, >>>sunzawmna page 2-ah

## May 18 sukpuitting dingin

CCPUR: Saikot Sub-Division Demand Committee chun April 8, 2017 nia Manipur CM N. Biren Singh inhmupuia Saikawt SDO mamaw hai sawrkarin wawisun chena sukpuitting a la ninaw chu an hriethiemnaw thu zanita Lalramtawn Hmar, Secy. Inf. SSDDC in thusuok a siema chun an ziek.

May 18, 2017 chena Village 5 Saikot SDO a thunlut, staff tulhai le Land Records transfer a thaw naw chun agitation hran hran an tan el thei thu le hi chungthua harsatna a lo um khawmin Committee in mawphur naw nih tiin thusuok chun a hril. Biel mipui hai chu committee hmalakna thlawp seng dingin a ngen bawk.

Hiung laizing hin District thara Department 39, Deputy Commissioner, Pherzawl in date 24th December, 2016 nia District Level Officer le Infrastructure tulhai Chief Secretary, Manipur kuomah a lo pek lut tah, bawzuinain Pu N. Biren Singh a chengna in ngeiah April 8, 2017

## Manipur journalist hai bu a fakpui; Tablet pakhat seng a pek



IMPHAL: Manipur Chief Minister N. Biren Singh chun May 12, 2017 zan dar 8:30 khan Hotel Ashok, Imphal hmunah Manipur-a Journalists hai po po bufakpuina a nei. Hi hunah hin a cabinet ministers le MLAs hai khawmin an uop. CM in Chanchinbumi le Correspondents hai hi

bu a fakpui chau ni lovin thilpek an hlan tawl. CM. N. Biren Singh chun Journalist damnaw inrik le siet tuok an lo um chung thungpua Rs. 1 lakh pek an ni ding thu a hril. CM hin Journalist fekhawm hai hi Tablet pakhat seng a thlawmin pek tawl a nih.

## Petrol pump hai hawng nawk ta ding

IMPHAL: All Manipur Petroleum Pump Dealers Association thuoituhai le CAF & PD Minister Karam Shyam han zanikhan Old Secretariat hmunah in-biekremna an nei ta leiin Petrol Pump hai chun ni-dang ang bawkin pump

hawng nawk tang an tih. Petrol Pumps hai enfel a ni hunah CAF & PD Director in tawngkam mawilo tak a hmang le inzawma Director an chungna ngaidan inhnai dinga phutna leia Oil pump hai hin an pump hai an khar a nih.

## PRAYER ASSEMBLY A THANG DING A FIELNA

Lalpa chun "Ka mihai, ka hmung chawia ko hai chun an insukhnuoia, an tawng-taia, an Lampui rilohai chu nghatsana ka hmel an hung zawng chun, vana inthawk chun lo hrieng ka ta, an suol chu ngaidam ka ta, an ram khawm sukhrisel bawk ka tih". 2 Chronicles 7:14

Hung tung ding 19-21 May, 2017 sung khin Pherzawl, Pherzawl District ah hnam pum huopin Prayer Assembly NPT huoihawtna hnuoia nei dinga programme siem a ni a, hi Prayer Assembly thiltum tak chu Pathien in Pherzawl District, district thar a mi pek leia lawmthu hrilna. Pherzawl district hi induong a ni dan ang taka a hung puitting theina dinga Pathien kuoma hnina le ei ram le hnam sungah Pathien thlarau kan thar nawkna a tlung theina dinga tawngtai beipui program hi buotsai a nih.

Programme hi pawl bik umloin a nuom taphawt hai chu thang dinga fiel ei nih. Hi Prayer Assembly hi Camp system anga hmang ding a nih. Hi Prayer Assembly a fe nuom taphawt, sum le puona kut rawl nuom hai le thu hre chieng nuom hai chun a hnuoia hai hi Contact thei zing a nih.

Sd/- Upa Lalmanlien # 8575604953  
 Sd/-Pu Lalruotnghak # 8575638891

## PDDC in a lawmpui; Sukdanglam leia buoina a suok chun PDDC in maw phur naw nih

PHERZAWL: May 10, 2017 nia Pu N. Biren Singh inrawinaa Maipur sawrkarin Anti-Tribal Bills leia mithiruong vui loa la um 8 hai vui thei dinga MoU ziek theia a umna thuah Pherzawl district Demand Committee (PDDC) chun lawmum a ti thu zanita Public Relation, PDDC in thusuok a siema chun an ziek.

Manipur CM N. Biren Singh chu Pherzawl district mipuiin an ngaisangin a taka hmu le chibai buk le lawmlutna programme siem a nuom a. Pu N. Bi-

ren Singh chun Pherzawl district thar hlawk a hmuna by road ngeia fein hung hmu pek sien, chu chun an mamaw le tul hai a hriethiemnaw ngei an ring thu thusuok a chun an ziek bawk.

Hieng laizing hin District thara Department 39, Deputy Commissioner, Pherzawl in date 24th December, 2016 nia District Level Officer le Infrastructure tulhai Chief Secretary, Manipur kuomah a lo pek lut tah, bawzuinain Pu N. Biren Singh a chengna in ngeiah April 8, 2017

khan PDDC palai han V. Hangkhanlian, minister, Vety inrawinaan Memorandum an peklut nawk a. Amiruokchu wawisun chen hin sukpuitting a la ninaw a. Hi chungthua hin PDDC chu state sawrkar chungah a nuor hle a. Pherzawl district pieng suk hmasawm tum lovin a hmung mei am a nih? Tia indawmna siemnin May 17, 2017 bo hma ngeia an thil ngen hai a sukpuitting pek an beisei thu an puong.

Chun, District Headquarter dinga sawrkar hmasain Pherzawl district a lo

ruot chu sawn le sukdam-glam lo ding; Mini Secretariat le Dist. Level office hrim hrim District Hqtrs. Pherzawla bawl le induong ngei ding a nih. Hienghai hi sukdamglam a um leia buoina a suok chun PDDC in mawphur naw nih.

Pherzawl district ruola pieng Kangpokpi le district dang Ukhrul han special package an dawng chu PDDC in a lawmpui a, Hill and valley district dang hai khawmin dawng seng inla, Pherzawl district khawm theinghil ninaw raw seh tiin PDDC thusuok chun a hril.

**GAS NEWS**  
 Agency : KIM JOE  
 Booking : 5th. FEB., 2017 to 5th. March., 2017  
 Delivery: 13-05-2017 (SAT)  
 Time : 9AM-till stock  
 Stock: 278  
 DBC/NC available  
 Agency : SAS  
 Booking : 28th. JAN., 2017 to 28. FEB., 2017  
 Delivery: 13-04-2017 (SAT)  
 Time : 9AM-till stock  
 STOCK : 306  
 Rate: Rs. 784 firs come first

**VAWISUN THUPUI**

Chuongchun in tluk nwna dinga veng theitu cheu le, a ropuina hmaa nasataka him le sawiselbova sie thetu cheu. Ei Sandamtu Pathien tak chau kuoma chun, ei Lalpa Isu Krista lein, hun um hma le chatuon chenin, chawimawina dam, ropuina dam, rorelna dam, thuneina dam um raw seh! Amen. - *Juda 1:24-25*

**Editorial**

**Rajya Sabha byelection**

Manipur a Rajya Sabha seat khat chau um a by-election chu May 25, 2017 zing dar 9 a inthawka zantieng dar 4 inkar sunga nei dinga Election Commission of India in a lo ruot ta anga nei dingin May 8, 2017 khan Returning Officer and Secretary, Manipur Legislative Assembly chun notification a lo insuo tah. In candidate nuom hai ta dingin May 15, 2017 chen khin Nomination paper file thei ning a ta, Scrutiny of nominations chu May 16, 2017 ah nei ning a ta, candidate inhuokdaw nuom hai ta dingin May 18, 2017 chen inhuokdaw thei ning a tih. Rajya Sabha a member thlangna dinga vote thlakna May 25, 2017 in nei ning a ta, hi ni ma zantieng dar 5 ah votes tla hai tiem tan le tiemzova result puonglang nghal ning a tih.

Ei hriet seng angin Manipur a Rajya Sabha Member (MP) ni laizing Haji Abdul Salam chu damnawna lein February 28, 2017 khan a thi a, ama thi leia hi Manipur Rajya Sabha by-election hi a hung um a tul a nih. La dam nisenla chu a term hi 09-04-2020 chen ding a nih. Manipur a Rajya Sabha by-election le inruol hin Odisha State a khawm Rajya Sabha seat khatah by-election hi a um ve ding a nih. Odisha State a Rajya Sabha Member Bishnu Charan Das March 21, 2017 a an ban leia Odisha State a khawm hin Rajya Sabha seat khatah by-election hi a hung um a tul ve a nih.

Manipur State hi 22,327 Sq. Km. a lien a ni a. kum 2011 intiempui (census 2011) dungzui chun mihrim 27,21,756 ei um a nih. Member of Parliament (MP) ei ti hi a mihrim population tlawm le tam dungzua siem a nih. Manipur chun MPs 3 ei nei thei a, chuonghai chu Lok Sabha Members (MPs) 2 le Rajya Sabha Member (MP) 1 an nih. Lok Sabha biel hi pahni, Inner Parliamentary Constituency le Outer Manipur Parliamentary Constituency haia the an nih. Lok Sabha biel hni hai laia biel khat, Outer Manipur Parliamentary Constituency chu tribal mi hai chan dinga huol a ni angin tribal mi han ei chang hlak. Vangnei thlak takin Centre a Sawrkarna cheltu BJP chun M.C. Mary Kom chu Rajya Sabha Member dinga a hung ruot leia Manipur mi MPs 4 ei hung nei thei pha a nih. Rajya Sabha by-election result puonglang zo pha chu Manipur State in Manipur mi ngei MPs 4, Lok Sabha members 2 le Rajya Sabha members 2 ei hung nei thei pha ding a nih.

Manipur State sunga hin recognised tribes 37 zet ei um a, hienghai laia Meitei, Naga, Kuki, Muslim, Paite le Gangte tribe-hai chun Lok Sabha MP le Rajya Sabha MP an ni mi an lo nei ta hlak a, tribe dang 31 hai ruok chun an ni mi MP an la nei ngai nawh. Hi lei hin tuta t uma Rajya Sabha by-election hung um dingah hin chu MP la ni ve ngairo tribe haia inthawk candidate Political Party han hung ruot ve thei hai sienla chu thil tha a hung ni ngei ring a um. State pakhata cheng tribe tum tum han MP chanvo hi insem or inruot tlang diel diel thei inla chu inthuruolna, inpumkhatna le inunauna a hung siem that pha thei ngei beisei a um.

Thoubal le Kakching District sunga Assembly Constituencies 7, Wangjing Tentha A/C, Heirok A/C, Khangabok A/C, Wabagai A/C, Kakching A/C, Sugnu A/C le Hiyanglam A/C haia cheng hai chu Outer Lok Sabha Constituency sunga inumtir an ni a. Vote an nei thei a, sienkhawm an biel mihai chu an in candidate phal a ni nawh. Hi lei hin an lungawinaw a, candidate nei thei ve dingin an ngen bakah an biel mi ngei candidate a ruot dingin an ngen a, bandh khawm an thaw pha a nih. Sienkhawm an ngenna hi an hlawtling hmel nawh.

Tuta tuma Rajya Sabha by-election hung um dinga hin BJP le an inthlawppui party-hai chun BJP Manipur Pradesh President K. Bhabananda Common Candidate a an nei ring a um. Congress Party chun an Party Candidate dingin MPCC Vice President E. Dwijamani an ruot. Congress Party MLAs, BJP zawmhai Rajya Sabha election hmaa disqualify an ni hman tawl naw a ni chun, Manipur a Rajya Sabha by-election hung um dinga hin sawrkarna cheltu BJP le an thlawppuihai Candidate chu a hung tling ngei ring a um. Manipur Assembly a MLAs 60 umah tuhin sawrkarna cheltu BJP le an thlawppui Party han thlawppui MLAs 39 an nei a nih. Tuta tum hin chu Rajya Sabha MP chu BJP in an chang ding niin an lang. BJP in an chang chun Manipur a Rajya Sabha MP an nei hmasa takna ding a la nih.

**Nuhmei pakhat Zu sen leh man**

**THOUBAL:** Zani hmasa zan dar 11 vel khan Thangmeiband United youth Club, Khongnangkhang Meira Paibi Lup, Takhellambam Maning Leikai Meira Paibi, Khoirom Leikai Meira Paibi le JAC against Drugs and Alcohol pawl han thangruola Thangmeiband Salungbam leikai an dapnaah nuhmei pakhat Salam Sunita, w/o (L) Rajen chu Zu sen (IMFL) thahnemtaw tak leh an man.

**CBSE Schools in Aadhar enrolment Centres**

**NEW DELHI:** Central Board of Secondary Education (CBSE) chun Unique Identification Authority of India (UIDAI) leh thangruola affiliated schools haiah Aadhar Enrolment Centres hawng le, students hai chu Aadhar enrolment thaw dinga inhrilhrietna nasa lema fepui a tum. Hi dungzui hin CBSE chun zani hmasa khan circular an suo a, chu dungzui chun hiengang facilities hawng ding schools han CBSE or UIDAI leh a hran lieuin Memorandum of Understanding (MoU) an ziek ding ti a nih. (IANS)

**Editorial Board**  
**Lalmalsawm Sellate:** Editor & Publisher  
**Roding L. Sellate:** Jt. Editor  
**Joseph Joute:** Freelance  
**Lalsansuok Pulamte & Samuel Zothanglien@SZ Zote:** Sports  
**Lalruotlien Dulien:** Computer Assistant  
*Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.*

**TLUKLO RIM NAM**

- *Ruoivel Pangamte*  
(7005244412/9862402286)



Kum za le sawmsari lai liem tah 1848 kum khan, Cecil Frances Alexander-in, kum tamtak dam ding hla ropui le mawi em em el a lo phuok a. Dr. H. Thanglawr khawmin Pherzawl Reader II-naa khan a'n chuon nghe nghe niin ka hriet. Cecil Alexander hin Pathien thilsiem ropui le mawihai a'n zawt a. A hlachang nuhung tak a, Pathienin mit le lei A mi pekhai hmang dan ding a'n zawt hin, a mi hne hle. Pathien hmangaina hrechientgu Lalzarlien khawmin, Aw, Kalvari Tlang Saw Ka Hei Thlir A ti hla a phuoka chun, "Hril nghawk thei naw ningah I hmangaina, khawvel ropuina hril lovin, I hmangaina thu chauh hril ta'ng ka tih" tiin a a lo inzawt ve a. Cecil Alexander hlaphuok hi a thlawp takzetin ka hriet.

Pathien thilsiem ropui le mawi, hril ding a tam em em vei leh, Pathienin Ama inpakna dinga LEI A mi pek, inhrilsietna, inhalna le inbiexisawnaa ei Lei, ei hei hmang el hlak dam hi. Cecil Alexander khawvel hi, khawvel inhawi tapwphawka ei inchangrir thei hi ka ring tlat a nih...!

Natna inrik tak tuora Damdawi In liena zal mi pahnihai chanchin ka tiem hin thil tamtak a mi'n ngaituosuoktir hlak! Hi mi pahnihai hi natna khum pindan pakhata zal an nih a. Pakhat chu tukver bulah a zal a. Pakhat dang ruok chu tukver umnawna tienga zal a nih. Tukver bula zalpa chu, iemani chen chen khum chungah a'n thung dawk thei a. Tukvera dakin a nat chanpuipah hriet dingin, "Saw dila varak, tui chungah inhlieu ziei zieihai saw an va mawi deh...! Naupang inhnelhail saw an va hlim ngei. Phaizawl inham chuoi dam saw ennuom a va um de aw...!" tiin, thil mawei le ennuomum a hmuhai chu, hlim hieuvin a'n zawt hlak a. A kawla natna tuora zalpa chun a'n hnarin chuon thilmawihai chu en ve a'n hawk em em hlak.

Leng tik nia mani chu, la hung changkang pei a t'a, tukver bula zalpa thil hmuhai chu enin hlim ni la tawng ve ngei a tih ti chu a duthusam a nih. Chu beiseina chu nein, tuk tina nisa suok chu a tiem hlak a. Chu chun beiseina thr inneitirin hun a hmang hlak a nih. Ni khat chu, tukver bula zal, a natchanpuipah chu a thi ta thut el a. A khath chauh a ni ta baw lein, tukver bula inzaltir dingin Nurse chu a hni a. Nurse chun tukver bulah a'n zaltir tah a. Thei le theiloa innamkangin, "Dil chungah varak inhlieu diel diel le hlim taka naupang inhnelhail" a en ve theina dingin, tukver hawngpek dingin, nurse chu a ngen a. A ngen ang taka Nurse-in tukver a hawngpeka a hei dak suok chun, "teklei bang inthir hrup" ti bak chu, ieng thil mawi le ieng thil en nuomum khawm, hmu ding a lo um awzawng nawh a. A hmu sun chu teklei bang, inthir hrut el chu a nih.

Nurse chu kovin, "Nurse, zani laia hitaka zalpa khat, 'Dil chungah varak intawl diel diel le hlim taka naupang inhnelhail a hmu thil le, phaizawl inham chuoi a hmu thuhai a hril a hril hlak a.' Kei hlak hin, teklei bang inthir hrut bak hmu ka nei ve si nawh. Iengtie ang a nih a?" tiin a'n dawn ta chawt a. Nurse chun, "Hitaka zalpa khat mittel a nih a. Teklei bang um le umnaw khawm hre naw nih. Mi danghai sukhlim a tum leia chuon ang thil chu a hril a ni ka ring" a tippek dai a.

A ni khawp el. Mi danghai ei sukhlim hin, ei hlimna hi a le thumin a pung thei an ti hlak a. Mitvarna nei haiin thil mawi le ennuomum ding ei hmu naw lai a, mittel haiin thil mawi le ennuomum tamtak an hmu thei bik el hlak hi, **tluklo rim an innam** chu a nih.

April 08, 2017 khat Council of Higher Secondary Education, Manipur (COHSEM) hnuoia Pawl 12 exams. fe mek le inzawmin, Council Office-ah Supervising Officer-hai ko khawmin kan um a. April 05-a Physics Question Paper, phék khatna, mark khat khat phur question 4 umna chu, mi um-tha-nuomlo pakhatin whatsapp-ah a lo thawn dar a. Exam tan tawm, Candidate-hai khawm Exam Centre-a an lut tahnung a ni lein, **Physics Question Paper Leaked** tia thu an lak punlun kha, thu belchieng dawlo a lo nih a. Thuvuongva a um ta lei a, Council Centre-a Supervising Officer-hai po po kokhawm kan ni lem a nih. Kei khawm Rengkai Hr. Sec. School Council

Centre-a Supervising Officer dinga ruot ka ni lein, inkhawmnaa chun ka thang ve a. Higher Secondary Education enkawltu dinga Sawrkar-in mi a ruothai indikzie, ringumzie le an hei ulukziehai ka hmuin, Kristien ni baw si lo, tluklo rim hi an innam em emin ka hriet a. Ka va hei ngaisang tawl de aw...! Hieng hi a ni hlak lei hin, COHSEM hnuoia Pawl 12 tha taka zo ngathai hi chu, ieng University-a khawm lut hai sien la, ruol hung hnawt hi an um ngai naw niin ka hriet. A rammihai hi a tamin an tam hrim hrim a. A tha ding le a thanaw ding khawm indai rawi naw ni ha'm! Ti ema chu, Isu zuitwa insal ngat, sin thienghlim, thiempu sinhawtuhai lai ngei khawm, nuhmeia hmingsie le tangkasuma hmingsie tawk hi ei lo um ve hlak tho hih...! Council enkawltu dinga ruothai ringumzie, indikzie, fimkhorzie le ulukzie ka hmuin, Ringtu intihai hi a mi cho nasa hlein ka hriet. 'Ringnawtu' ei tihai hi **Tluklo Rim** an innam a nih.

Meeting kan nei zo chun RIMS-a Operation fethleng zo hlim ka sang, kan naupangtak ka zu kan a. Ka sang Lalthlunglien Pangamte hi March 20 khat a kala lung atdawk a tul lein RIMS-ah admit a nih a. Chawlkâr thum a nghak hnungin April 07, 2017 khat Dr. AK Kaku-in a at a. Kristien doctor-hai thaw ding awm takin a felin a'n pe zo em em a. Mi tamtak inpak le ngaisang a hlaw a nih. Kristien Hospital ni baw si lo, Doctor le Nurse hai felzie le inpék zozie ka hmuin, ropui le inzaum ka ti em em a. Sap thuvarin, "Ringum taka sinthaw hi Pathien chibai bukna a nih" a lo ti hi, RIMS-a Doctor le Nurse hai hin an phursuok hne de aw...! ka ti vawng vawng el! **Tluklo Rim** an innam a nih.

Tuk khat chu naupang pakhat, inrang deuva at ngai hi Damdawi inah an hung thuoia. Naupang ngirhmun a derthawng em lein, inhmaw deuin Doctor an hei ko a. Doctor chu inhmaw deuva hungin, Damdawi in chu a tlanin a hung tlan lut a. Naupangpa pa, lungngai le beidawng em ema lo inlawn, lo inlawn chu a hei hmu a. Naupangpa pa'n a hei hmu le inruol chun lungsenin, "I va hung tung intak lawm lawm del... Ka naupa hi thisawngin a um ti hi i hriet naw a ni? I sin hi ngai pawimawna sete khawm i nei naw a ni maw ..?" a lo ti thuoia thuoia. Doctor chun innui hieuvin, 'A paw khawp el. Damdawi ina ka lo um naw lai tak a nih a. An mi hung ko a. A hrat thei patawpa hratin ka hung a. Tuhin ka hung tung ta a. Tha deuva sin ka thawtheina dingin, i lo inkeidei thei ka nuom" a hei ti hman hrâm a. Naupangpa pa chun, "Inkeidei i ti mawh? Doctor nghakin i naupa chu lo thi sien, i'n keidei thei ding mawh?" tiin lungsen deuin a la hei tawng khum a.

Doctor chun innui hieuvin, "Pathien lunginsietna beisei pum zingin, theitawp hei suo'ng kan t'a. Nang khawm i nau hung thatsuok theina dingin, lo tawngtai ve zing rawh." ti pum zingin Operation Room-a chun a lut a. Dârkâr iemanizat hnunga chun, Doctor chu a hung suok a. Naupangpa pa chu hung chibain, "Lawm a um khawp el. I naupa chu sansuokin a um ie. Hriet nuom i nei a ni chun, Nurse kha lo indawn el rawh" tiin, naupangpa pa tawng khawm ngaitihla hman lovin, inhmaw em emin, a tlan suok nawk el tah a.

Naupangpa pa chun Nurse kuomah, "Iengleia kha ang hlawla nunrawng el am a nih a? Ka naupa ngirhmun pei ding le enkawl dan pei ding khawm indawn thei lova zuk um el chu?" tiin a'n dawn a. Nurse chun a bienga mitthli far tuk tukin, "Zani khat accident lein a naupa a thi a. I naupa ngirhmun kan hei hril lai kha, a naupa vuina programme an hmang lai a nih a. A ngaituo em lei cheuvin, tlan bahrika la hung tlan hrâm hrâm a ni kha. Tuhin chu i nau hringna a sansuok ta lein, a naupa vuina programme hmang zo dinga inhmaw taka tlan nawk a nih..." tiin naupangpa pa chu a hril a.

Hi Doctor khawm hi **Tluklo Rim** innam chu a nih! Kei ka hei inchan sin a. "Ka naupa vuina programme kan hmang lai maksanin, i naupa sansuok tumin a tlanin ka hung tlan a. Lawmnachang khawm hre lovin, hieng ang hin mawh i mi lo bieck... Ienga inngai che..." ka ti ka ring.

Ka **ituluko** val hi an lo va tam deh...!

**Nuhmei rawhlum saa hmu**

**PANAJI:** North Goa a Siolim village a chun zanikhan Anjuna beach panna lampui (main road) bul laia hlobuk lai nuhmei rawhlumsa ruong hmu a nih. Tu'm a nih ti hriet thei lo khawpin a taksa hi meini a kangsiet niin Anjuna Police inspector Sanjay Dalvi chun a hril. Hmun pakhata rawhlum a ni zoa hi lai hmuna hi an va sie ni dinga an ring thu Police chun an hril. A taksa hi a kangsiet nasa lein India mi am ramdang mi ti khawm hriet thei a ninaw a, Goa state sunga Police station tin haiah mi inhmang report um le umnaw police chun an enfel mek. (PTI)

**Aadhar Mandatory thuah hearing**

**NEW DELHI:** Sawrkar thlungpuuin scheme tum tuma hamthatna dawng theina dingin Aadhar Card lo thei lo dinga a tina le inzawma ngenna thelut chungthua hearing chu May 17, 2017 nia hearing nei dingin a remtith. Chief Justice JS Khehar inrawi Judges 5 umna bench chun, hi chungthu hi an hmatienga ngaituo a tul thu an hril.

**State 12 in GST Bill an pass tah**

**SHIMLA:** Arunachal Pradesh Assembly chun zanikhan lungruol takin Goods and Services Tax (GST) Bill, 2017 an passed. Tuchena GST bill passed chu states 12 an tling ta a, NE biela dingin GST Bill passed stae a pahinna a nih.

**Mizoram Election-ah Congress an hrat nawk ding: Lalthanhawla**

**AIZAWL:** Mizoram Chief Minister Lalthanhawla chun, kum 2018 a Mizoram Assembly Election hung um dinga hin Congress party in hratna an chang nawk ding thu zanita Congress Bhavan-a party workers hai hmaa thu a hrilnaah a hril. Tu party khawm Mizorama a zawna sawrkarna siem an la um naw a, sienkhawm Congress chun kum 2018 electiona khin hratna chang an ta, term 3 a zawnin sawrkarna an hung siem ding a nih tiin Lalthanhawla chun a hril. May 4, 2017-a MADC seats 25 uma inthlangnaa Congress in seats 17 laa hratna an hung chang kha Congress an hung hrat nawk ngei ding ti sukchiengtu a nih tiin a hril baw. MADC election a khan MNF le MDF thangruol han seat 7 an lak a nih. Lalthanhawla hi Mizoram Chief Minister term 5 chel ta a ni a, a CM a chel hmastak tum chu kum 1984 kha a nih. (PTI)

**Pawisa lem le Burma pawisa leh man**

**SILCHAR:** Assam Rifles chun May 11, 2017 khat Bhaga Bazar area-a Dhola constituency-ah pasal pakhat Raju Laskar an ti chu India pawisa lem Rs. 1,20,000 anghu le Burma pawisa Rs. 50,000 anghu ding leh an man a, Police kutah an peklut. (AT)

**School teacher a student suolluia intum**

**TURA:** Meghalaya-a South West Garo Hills a Betasing hmuna private school teacher Soijen Marak chu a student nuhmei kum 14 mi sex thila sawisak le suolluia intum a nih. Mr Soijen Marak hi a tlanhmang lein man a la ninaw a, police chun man tumin an zawng zing. (ST)

**Rothil puonglo hai promotion hmu lo ding**

**NEW DELHI:** Ministry of Home Affairs chun India rama IPS Officers hai chu laksawn theilo an thil nei hai puonglang vawng dingin an hrietira a, inhrietira zawm lo hai chu promotion le hamthatna dang hai pek an nitaw ding thu Home Ministry thusuok chun a hril. Hi le inzawm hin MHA chun Chief Secretaries, DGPs le Central Police Organisations Chief hai kuomah IPS officers Immoveable property returns (IPR) for 2016 la pelut lo hai chu explanation call dingin an hrietira bawk a nih. Tuchena hin India rama IPS officers 3,894 um hai laia 15% velin IPR an la file naw niin ministry chun a hril. (TNN)

**BJP leader in Congress a zawm**

**HAMIRPUR:** Himachal Pradesh-a Hamirpur hmuna BJP leader inlar takel Vinod Thakur chun zanikhan public meeting hunah Chief Minister Virbhadra Singh hrietpuuin Congress party a zawm. Hamirpur hi Chief Minister hlui Prem Kumar Dhurnal chengna district a nih. Mr Vinod Thakur chun Mr Dhurnal chun party mi le sa indiktak hai hnawla a naupa le a sung le-kuohai chau ditsaktuin an tum a, Dhurnal hnuoia BJP chu private limited party a nih tiin a hril bawk. (PTI)

**JNU Chancellor dingin VK Saraswat**

**NEW DELHI:** HRD Ministry chun scientist le DRDO Chief hlui Vijay Kumar Saraswat chu JNU Chancellor thar dingin a ruot. NITI Aayog full-time member Saraswat hin March 30, 2017-a kum 5 sung a term (hun) lo hmang zo tah ISRO Chief Krishnaswamy Kasturirangan a thlakthleng ding a nih. Saraswat hin official taka JNU Chancellor dinga ruot a nina lekha la hmunaaw sienkhawm Ministry chun JNU Vice Chancellor sin chel dinga Saraswat a ruotna hi sukfel a nita thu a hril. Sarajwat hi kum 1998 khat Padma Shri le 2013 khat Padma Bhushan hai lo dawng ta a ni a, Minister of Defence Chief Scientific Adviser sin lo thaw ta a nih. (PTI)

**Pasal neizo hlim a ringa at hlum**

**KAUSHAMBI:** Uttar Pradesh-a Sinhwai-kapurwa village-a chun zani hmasa zan khat pasal nei thar hlim Asha Devi (20) chu an In hnunga imu inhnik taka a in laiin tu ti hrietlo han a ringah a at hlum a, incheina thil Rs. 2 lakh vel manhu ding laa a fehmanngan hmam khawnvartui buok khumin a ruong hi meini a la raw nawk niin zanita Police thusuok chun a hril. Asha Devi hi April 24, 2017 nia khat pasal pakhat Rakesh Patel le innei, May 7, 2017-a kha a nu le pa hai ina van zin an nih. Hi thil tung huna hin a nu le pa hai chu hmundanga riek an ni a, zingkar hi thil tung hi hriet chau a nih. Police chun case an registered a, suizuina an nei mek. (PTI)

**Delhi-Chandigarh inkarah High-speed train**

**CHANDIGARH:** Delhi le Chandigarh inkara chun tuta inthawk sawnawte hnungah high speed Train, darkar khatah km. 160 vela hrata tlan thei ding inlantr ni ta dinga hril a nih. Hi high-speed train a hin Wi-Fi, LCD screen, USB charging facility bakah bio-toilets hai a um vawng bawk ding a nih. Hi Train hi May 15, 2017 khin Rail Coach Factory (RCF) chun Northern Railway kutah an hlan ta ding a nih. Hi high-speed train hin coaches 19 nei a ta, hi laia 16 hai chu air-conditioned Chair Cars le executive chair cars 2 nei a ta, power coach 1 um bawk a tih. Chair car coach a hin seats 78 um a ta, executive class coach hai seats 56 a um ding a nih. Hi Train hi tuta thla tawp hin a tlan hman beisei a ni a, sienkhawm theitukna chu railway board in siem a tih tiin senior railway official thusuok chun a hril. (ENS)

**Football tieta lien thil inbaw atdawk**

**CHENNAI:** Tamil Nadu-a Chennai khawpuia Institute of Liver Disease and Transplantation, Gleneagles Global Health City -a doctor hai chun pasal kum 66 mi Chidambarama Marathe of Bengaluru phing sunga thil inbaw football tiet vel zet ding chu tulai hnai khan hlawtling takin an atdawk. Thil inbaw atdawka um hi kg. 6.2 zeta rik a ni a, operation thawnaa hin darkar 8 zet hun hmang a ni bawk. Mr Marathe hi kum 10 vel liemta inthawka kha Cirrhosis le hepatitis B infection leia enkawla lo um ta hrim a nih. (ENS)

ALL INDIA RADIO: CHURACHANDPUR PROGRAMME		
Date: May 13, 2017 (Inrinni)		
TRANSMISSION- FM-101.4 Megahertz		
Hours	Studio/ CR/P	Programme
4.53pm	CR/P	Signature
4.55pm		Vande Mataram, Time Reading, Opening Announcement
5.00pm	P	Hymns to God : (Thadou) Hoinellam Haokip
5.05pm	P	Local Announcement/Prog. Summary
5.10pm	P	Minor Dialect (Zou): Zambkolal & party (folk)
5.25pm	P	Health Hints (Thadou): Body weight proportionate for healthiness by- Samuel Thangminlin Singson
5.30pm	P	PAITE Prog. Sig. Tune & Announcement Announcer: Alex 1) BCD Bungal (dev) 2) Children Variety Prog: Ngaiianching & party 3) Employment News
6.00pm	P	HMAR Prog., sig. Tune & Announcement Announcer: Niangngailun 1) Semika Band (dev) 2) Employment News
7:00PM	P	THADOU Prog., sig. Tune & Announcement Announcer: Seikhopao 1) Melody Lunzachin 2) Employment News Farm & Home: Thadou 1. Helambol Baite (mod) 2. Talk: Air Pollution- its preventive measure



## TUOLSUNG/IMPHAL

### TT Haokip lawpuina-sunzawmna

Headmaster thenkhat an student neizat hrechng lo an um baw. TT Haokip chun Headmaster/headmistress le teacher hai chu taima taka an sin thaw ding teacher hai an fui a, a remchang angin surprise visit a thaw hlak ding thu a hril. Hmating peih Henglep biel sunga Lal hai khawm a lan hmupui ding thu, lampui siemna dinga sanction um 50 lakh lai 30 lakh bek khawm seng nisien lampui thatak nei thei a ni ding thu a hril.

Henglep Block hnuoia hin Government Aided school 11; ZEO hnuoia School 36, ADC hnuoia School 41; SSA hnuoia Teacher 58, RMSA hnuoia Teacher 11 le ZEO hnuoia Teacher 75 an um a, ADC hnuoia School 41, Student 1,902, Teacher 246, Peon 39 le non-teaching staff 39 an um a nih.

### Children foot bridge hawng



CCPUR: MDC CT Lian Guite in a mimal sum senga Dorcas Veng le G. Mualkoi infepawna Lanva vadung chungaw daw leilak (Children Iron Foot Bridge) chu zanikhan hawng a nitah. Hi leilak siemna ding hin bieltu MDC CT Lian le a team han R. Sud-

### Zu mana um hai suksiet a nih



CCPUR: Drugs Cell le Anti Alcohol Unit, District Police thangruol han hmum tum tuma inthawka Zu an man hai chu May 12, 2017, 11:00AM khan Mini-Secretariat Complex, Tuibong hmuna Inspector R.K Anil Kumar Singh, OC, Police Station irawinain suksiet a nih.

Hieng Zu hai hi Rakesh Balwal, IPS, SP, CCPur hmalkakna district sung sukthienghlina dinga inru leia buoia suok ding laka himna dinga khawpui

### DM College Gate an suksiet

THOUBAL: PCTC Petrol pump bula DMK College campus Gate tha talo em em chu zanikhan AMSU volunteers le colleges student thangruol han an sukchim. Thuneitu hai kuomah hi gate siemtha dinga an ngenna thuneitu han an ngaisaknaw leia gate hi an sukchim a nih.

### ZEO Office Tala in an kal



CCPUR: All Manipur Sarva Siksha Abhiyan Teachers' Association (AMS-SATA) in thla 8 sung hlaw an lak tanaw le inzawma thil ngen chi tum tum an nei hai sawkarin a ngaisaknaw leia an lungawinaw suklagna dingin May 12, 2017 a inthawkhan Indefinite Cease Work Strike an nei tan. Strike hi SSA Primary Teachers' Association, Churachandpur khawmin an zawm ve lein Hill Town-a ZEO Office gate tala in an kal.

Sept. 2016-April, 2017 inkar thla 8 hlaw an hmulo chu Congress sawkarin December 2016 chena pek dingin a lo tiem a, sienkhawm pek an ninaw bakah BJP sawrkar khawmin May, 2017 chawlkaw hmasatak chena pek dingin a tiem a, sienkhawm a la pek chuonaw naw leia strike hi an thaw tan a nih. ZEO Office gate kal hai sienkhawm staff hai chu hmundanga inthawk lutin a sunga sin an thaw tawl niin ei thu dawngna chun a hril. An thil ngen hai lai MGEL/EIN zo vat ding, SSA Primary Teacher hai State cadre a laklut ding le SSA teacher hai ta dinga Zonal Wise Model School siem ding ti hai a thang.

### ASHA Training a fe mek

CCPUR: May 10, 2017 a inthawk May 25, 2017 chen aw ding ASHA member hai ta dinga training chu a fe mek a. May 15, 2017 khin Tipaimukh Block sunga Patpuihmun le Sibapurikhal PHC/CHC huomsunga mi hai ta dingin Sibapurikhal hmuna Training nei ning a ta, May 23, 2017 in Thanlon Block sunga Thanlon le Sinsaw area haia ASHA member hai ta dingin Thanlon hmuna training um a ta, March 25, 2017 khin Tipaimukh Block sunga Parbung le Senvon biela ASHA member hai ta dingin training nei ning a nih. Hieng training haia hin DMO, IEC-Consultant, DVBD consultant, MTS ASHA Facilitators hai resource person in thang an tih. May 10, 2017 khan Singngat Block sunga Singngat, Behiang le Zesaw biel haia ASHA hai ta dingin Singngat hmuna training nei a lo ni tah.

## Brooklyn Beckham-in Pa Hnung A Zui

LONDON: Saphai chun "Like Father Like Son" an tih a. Nauhai chu pahai hnung zuitu dinga an beisei ang takin, English sungkuo indiktang angin football a inthawka Fashion le Movie tieng lut mek, David Beckham nau pa upatak Brooklyn Beckham (18) chun a pa film puittling a changna hmasatak "King Arthur: Legend of the Sword" European Film Premier an neina ah a hnung a zui a, an mawi dun hle.

David Beckham film acting thuah a fans tamtakin an dem a, tamtakin an inpak baw laiin a ruolpa, Madonna pasal Guy Richie, director khawmin an pak hle. A pheikhawk a inthawka rang-kachak rawng vawng kekawr tuon le coat, a hnuoia Kamis var hakin necktie bovin Coat a kil khaka. A khakhmul le hnerhmul um khakin Western Cowboy khawm a hawi hle. Brooklyn chun kekawr dum le T-shirt var hakin leather pheikhawk dum booth leh a thawa, a pa a chen ang an tah.

Kum 42-a upa, nau pali nei tah a hawi naw a, tlanglew senior deuh a la hawi zie chu a puma tattoo tamtkhai le, a kut ring le a ringa tattoo hai hin an hril. David Beckham le Victoria Beckham hin nau pali an nei a. Brooklyn hi a upatak niin a nu hmél khawm a lak a nih.

"King Arthur: Legend of the



Sword" hi 1938 novel, "The Sword in the Stone" siemtha a nih. David Beckham film puittling changna hmasatak ding a la nih. A role khawm role puittling la nih lovin King Arthur vengtu pakhat "battle-guard" Trigger a

hri. "Role chite, tawngna ding khawm tlawmte a na. Guy-in ka thaw ding tawk a hriet a. Ka thana ding vawngin thil a mi thawpui a nih" tiin a ruolpa director chu an pak a.

Guy Richie khawm an nu, Jacqui Ainsley leh nal tawk takin Red Carpet an hung hraw a. "Beckham chu thuawi thei tak, thil thawpui inhawitak a nih a. Football-a an lar ang bawkin Movie tieng khawm a hung inlar pei ka beisei" tiin an pak ve a. King Arthur lem changtu tak, kum 39 Charles Hunnam khawmin, "David chu thil thawpui an lo inhaw hle. Superstar a ni hi ni ding awm reng a nih" tiin an pak ve.

Social media tieng tamtakin an dem zing laiin, a hre naw ang elin, Instagram-a hnungzuitu 36.6 million hai kuomah, "It was a pleasure to work with the @kingarthurmovie team on such an amazing film #KingArthur" tiin behind the scene thlalak iemani zat leh a share a. Fans hai sawisela le deusawna pakhat khawm a dawn nawh.

"King Arthur" hi \$100 million senga siem a nih. Charlie Hunnam le Katie McGrath hai changtu tak ning an ta. Eric Bana, Annabelle Wallis le model-accessory Poppy Delevingne hai thang baw an tih. May 19 khin khawvél pumpuia tlangezang ning a tih.

## Jay Z Hausakna 30% Pungin \$810 Million Nei Tah

LOS ANGELES: Entertainment khawvêla hin pawisa a lo tam taka, mihriemin hlimna dingin pawisa ei sêng rin nawzie târlangu chu lungril hlimna dinga music le hlaa pawisa ei sêng rawn zie le chungu tienga mi sukhlintu le sinthawthui pawisa hui lut rawn dana inthawk hin an lang chieng awm. Khup her kawia kutpara mi khik zuk zuka, hlasak am thuhril hriet hrang thei lo tawng baw baw, lam am inper hriet hrang thei lova 'rap' mei hai khawmin maktauoi tel telin paisa an hui lut el chu a nih!

Reality TV star Kim Kardashian pasal, rapper and producer Jay Z chu ni kum (2016) kha a hausakna 30% zet in a pung a, USD \$810 million a nei ta chu, hip hop artist Sean "Diddy" Combs hausakna, USD \$820 million nei a la phâk naw deuh a nih. Forbes magazine in a tarlang dan chun, Jay Z hi a Tidal music streaming



service chu wireless carrier Sprint hai leh \$200 million contract January thla kha an ziek lein a hausak dawr pha niin a hril.

Amiruoekhu, hip hop artist Combs hin Ciroc le Vodka leh contract thar an ziek bâkah a thuumhna siemna company Sean John a inthawka a sum

hui luthai leh Jay Z nêkin a lam suok rawn lema No.1 a hluo zing a nih.

Forbes magazine hin hun liemta an sum lam suokhai, financial document an submit hai, tutaka an sum nei zat (holdings), industry-a mi chi hrans an inzawmpui, attorney, managers haia inthawka thu an lakkhawm a inthawka an hausakna an inkhi dungzia List hi siem a nih.

American celebrity hausa Top Five chena thang abikin mihang hlasakthiem le lam thiemhai chu, Dr Dre (\$740 million), rapper le Cash Money Record neitu ve (co-owner) Bryan "Birdman" Williams (\$110 million) le Canadian rapper the Drake (\$90 million) hai an nih. Full List chu Forbes magazine ah hmu thei a nih.

Hieng ang hin British celebrity hai Rich List khawm tlangezang a lo ni tah a. Adele chu nuhmei hlasakthiem hausaktak le naupngtak a nih.

### 14th State Level Hmar Martyrs' Trophy Semi Final Result le Fixture:

## Semi Final pakhatnaah Sielmat YC chun United Khawzims' Brothers hnein Final an kai; FAST-A le FC Ridil intuok an tih

Zani, 12th May 2017 khan Saikawt khelmuolah 14th State Level Hmar Martyrs' Trophy Semi Final pakhatnaah Sielmat Youth Club(SYC) le United Khawzims' Brothers (UKB) an inkhel a. Inkhel hmu nuom a um hle a, entu mihriem khawm an tam hle. Hun hmasa tieng UKB hin an nawr met a chu goal an thun thei bik nawh a. Half chengah goal thun bik an um nawh. Second Half-an tan a, SYC inkhel a hung tha tan a, minute 14 an inkhel nawk chawin SYC chun goal umsun le hratna goal an hung thun a. Hi goal pawimaw em em thuntu hi Bedeemper a nih. Hun tawp chenh UKB chun an goal bat an rul zo ta naw lein lungnat um takin Final chu an kai zo ta naw a nih. Sielmat YC hin nikuma an Cup lak an hum zo el di'm annaw leh Finalah lungnat um takin an tla el di'm ti chu mi



tam tak ngaiven a hung ni ta a nih. Vawisun hin Semi Final pahna FAST-A le FC Ridil hai inbei nawk an tih. Hi khawm hi a hrat lem bik ding hriet an tak hle a. A tu tu hrat hai sien khawm a awm ve ti thei ding a nih. Player an nei tha ve ve a, Group stage-a an inkhel dan an chun ring ding bik an um naw hle. FAST hai hi tukum A le B an suok ve ve a, B ruok chu Quarter Final-an lo ta tah. FAST hi vawi iemani zat hi tournament-a hin an lo thang ta a, Semi Final khawm an lo kai rapw tah. Anachu Cup an la lak naw lein tukum

hin lak ngei an tum ring a um. Anni Pool-ah topper an ni a, defender le mid-field bakah attacking tieng khawm an nei tha hle lein Final an kai ngei khawm ring a um. A khiengtieng - FC Ridil hai hi tournament in tan hma chara insiem fawm an ni a, anachu hmum tin ramtina player tha lakkhawm an ni lein an nep bik naw hle. Cup an lo lak a ni khawma thil awmaw ni naw nih. Anni hi group stage-a inthawka Quarter Final chengah goal thun rawn pawl an la ni zie a, hi lei hin mi tam tak chun Cup an lak ngei an ring. Hmum hrans hana mi player inlakhawm ni hai sien khawm an khel a tha a, combination khawm an nei tha hle baw. Ieng ieng khawm ni sien tu'm an hrat lem hriet ding chun vawisun dar 2:00 hin Saikawt khelmuol pan phawt el ding a nih.

### EUROPA LEAGUE SEMI FAINAL LEG 2:

## Manchester United chun Celta Vigo hnein Final an lut a, Ajax hai Lyon lakah tlawm hai sien khawm Final an lut tho

Europe khawmuolpuia football in-elna insang tak dawt Europa League Semi Final Leg 2 chu Ningani zan khan inkhel zo a lo ni tah. Manchester United chun Leg 1 a 1-0 a an hne sa Spanish Club Celta Vigo an lo mikhuol a, harsa taka inkhelnaah 1-1 in an inang taww a, aggregate goal-ah United hai chu 2-1 a hratin Final an impetkai ta a nih. Inkhel tan a nia inthawk minute 17 naah Marouane Fellaini chun United ta dingin goal a thun a. Chu hnung chu a thun bik um lovin an inkhel deu char char a, United an hrat lem ta ding ang deua a um hnung, hun bo hma met minute 85 naah Sebastian Roncaglia chun Celta Vigo ta dingin an goal bat a hung rul a. Hun tawp chenh goal thun bik um ta lovin 1-1 in



an inhnetawk ta a nih. Chu dungzui chun aggregate goal-ah United chu 2-1 in an hrat lem a, Europa league an lak hmasak theina ding kawngah beiseina an nei ta a nih. Final hi Stokeholm-ah May 24 khin inkhel an tih. Hi zana hin inkhel an thang nasa ve ve baw lein an buoi deu nawk nawk a, minute 88 naah United tieng Eric Bailly le Celta Vigo tieng an goal thuntu Sebastian Roncaglia hai chun a ruolin Red Card an



hmu nghe nghe a nih. Semi Final dangah Lyon chun Leg 1 a 4-1 an hne naw sa Ajax an lo mikhuol ve a, Lyon hin 3-1 in lo hne hai sien khawm aggregate goalah 4-5 in an hrat naw lem tho tho a, lungril na takin Final chu an kai zo ta naw a nih. Hi zana Lyon a vawikhata dingin European Competition-ah Final an inhlangkai ta a nih. Kha kum khan Champions League Final an kai a, anachu Cup an lak zo nawh.

## Julianne Moore (56) Le A Nuanu Liv (15) NY ah

LOS ANGELES: Women's rights activist le Hollywood A-list actress Julianne Moore chu kum 56 a ni tah a. A naunau naupang lem Liv, kum 15 leh an kârah kum 41 zet a uma chu inchei a thiem lei am, inenkaw a thiem lei, New York, West Village ah an bazaara kai lai hmu an nih a. A naunu leh nunghâk ruolcham ang thovin an la nal dun a nih. 1970s le 80s bawr laia a nunghâk vanglai tak, a pasal Bart Freundlich leh nau nunghâk pahni Cable (19) le Liv (15) an nei hnunga, damtea hringnun hmang tah Julianne chu 1970 laia inchei dan, Coat



le Jean le Sneaker pheikhawk chenve chen huom a ke var bunin, sunglass dum leh nalna po po inlang vawng Bag a pai baw a. Nunghâk theina bunin, mawza bovin nal tak ang a la nih. pheikhawk var a bun baw a. An sam sen thalin, copy sweater vut rawng le skirt paste (entawna siem) ang hring-duk insing, malpui hlawlin an inang a nih. A nau

Liv hi an sang lem met tah. Julianne Moore hi human rights activist a nih tah a. Kum bel lai khawm khan khawvêla nuhmeihai dikna le chanvo thua lam hrawna, Women's March kha America puola neina Washington ah nasa takin a thang ve a nih. President Trump office a kai ni hmasatak dingah, nuhmeihai khawm mihriem an nih a, dikna le chanvo nei an niez inhriettirna dingin "Women March" kha an thaw a nih. "Ei President thar le khawvêl kuomah, nuhmei hai rights hi human rights a nih ve ti an hriet theina dingin office a kai ni hmasatakah hin ei hrihriet ding a nih" tiin nuhmei leader tamtkhai lai co-chair-a thangin nasatakin thu a hril ve a nih kha.

### AIFF website hacked pek

Thawlenni khan ruol hawnkhat "Zero Cool" inti hai chun All-India Football Federation's (AIFF) official website an hacked pek. Hi website hi hacked a ni ti hriet a ni le inruolin thuneituhai chun an lakkir nawk nghal.

Hi pro-Pakistan hacker hai hin website hacked-a uma hin Indian Navy officer hlui Kulbhushan Jadhav insuo dingin thuziek an maksan pek. Jahav hi sum-dawngna le inzawmin Iran khawpuia aum lai kidnappa umin, chu hunga Pakistan sipai haiin man nawkin, kumbul lai khaan enthlatau intumin khaihlum dinga a chung rel khuma um a nih. Hackers hai hin mi thenkhatin Snapdeal website an hacked dan hai khawm "poor India" ti thuziek an maksansa bawk.

## Fakrukna sukbo pei ding: Gainni Infantino

Manama: Liemtah ningania, Bahrain khawpuia FIFA Congress meeting an neina chun, thukhel le thuvuongva belching dawnlo tamtak hai chu hnawltlak a nita thu le thuoitu thar haiin iengkim felfai takin an siem peita ding thu FIFA President Gainni Infantino chun a hril. A hril peina chun, "FIFA suokbuoitutak corruption sukbo mek a ni a, um khawm um nawk ta ngai naw nih. Mithar vawng kan ni tah a, tawngbau chawu chang loin, atakin kan phursuok ding a nih," tiin a hril.



FIFA Congress chun corruption suoktuoka intum Hans-Joachim Eckert le Cornel Borbely hai chu Greece anthawk European Court of Justice Vassilios Skouris le Colombia inthawk Maria Claudia Rojas haiin thlak dingin hi meetinga hin reffelna an nei. FIFA-ah hin sum a leng nasat lein fakrukna an sang ve hle a nih. Fakrukna le inzawm hin Infantino chun mani ta dinga

hlawkna zawngai chun Football suoksan nghal ding le sum tamtak pek leia nuom ang anga FIFA herdanglama um hlak chu a umta ngai naw ding thu a hril.

Member thlakteng ding le inzawm hin karbul lai khan news headline hai a hluo nasa hle a, amiruokchu FIFA congress sunga hin iengkhawm buoia suok loin, 97% in dilemna vote an thlak a nih.

## Bartra-in training zawm nawk

Champions League quarterfinal-a Monaco le an inhmauon hmuaa club bus-a bomb puok leia hliemna tuok Borussia Dortmund defender Marc Bartra chu hliem leia thla khat zet a chaw hadam hnungin club training a zawm nawk tah.



ding chu ka nghak hla hle a nih," tiin twitter haia a ziek lang.

Kum 26-a upa Spain international hin bomb puok lei khaan a changtieng ban a sukna a, at hai chen tuokin, dam tieng hung pan pein nilaini khaan club training a zawm t an nawk ta a nih. Bartra chun, "Kar sawttak sungin vawisun hin ding hi ka nghak a, training zawm nawk theia ka um hi ka lawm hle a nih. Ka ruolhai le inkhel kawp nawk hun

### FOOTBALL FIXTURE

Saturday, 13 May 2017  
**PREMIER LEAGUE:**  
17:00 Man. City v/s Leicester  
19:30 Sunderland v/s Swansea  
19:30 Middlesbrough v/s Southampton  
19:30 Bournemouth v/s Burnley  
22:00 Stoke City v/s Arsenal  
**PRIMERA DIVISION:**  
18:30 Espanyol v/s Valencia  
22:00 Osasuna v/s Granada  
**HMAR MARTYRS TROPHY 2017**  
**Second Semifinal fixture**  
14:00 FC Ridil v/s FAST-A  
**First Semifinal result:**  
SYC 1 - 0 UKB